



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CLXXXV. Statuta quædam circa Fratres Bethlehemitas in Indiis  
Occidentalibus.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



das, & efficaces existere, & fore, suosque plenarios, & integros effectus sortiri, & obtinere, & illis ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective, inviolabiliter, & inconculse observari, & adimpleri: sicque, & non aliter in præmissis per quoscumque Judices Ordinarios, & Delegates, etiam Caesarum Palatii Apostolici Auditores ejusdem S. R. E. Cardinales, etiam de latere Legatos, aliosve quoslibet quacumque præminencia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Derogatoriz.

§. 12. Non obstantibus fel. rec. Pauli II., & aliorum Romanorum Pontificum Prædecessorum nostrorum de rebus Ecclesie non alienandis, aliisque Apostolicis, ac in universalibus, Provincialibusque, & Synodalibus Conciliis editis generalibus, vel specialibus constitutionibus, & ordinationibus, necnon dictorum Monasteriorum Congregationis, & Ordinis, aliisque quibusvis etiam juramento, confirmatione Apostolica, vel quavis firmitate alia roboratis, statutis, usibus, styli, & consuetudinibus, privilegiis quoque, indultis, & literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac alias in contrarium præmissorum quomodolibet concessis, confirmatis, ac pluries approbatis, & innovatis. Quibus omnibus, & singulis etiam pro illorum derogatione de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, aut forma in illis tradita, observata, exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Volumus autem, ut finita, seu quomodolibet deficiente concessione Emphyteutica prædicta bona, res, & jura sub illa comprehensa cum suis membris, & pertinentiis universis, necnon melioramentis desuper pro tempore factis ad dictum Monasterium Sancti Clementis in Piscaria pleno jure, atque omnino libere revertantur, illique cedant absque eo quod renovatio concessionis hujusmodi a quoquam sub quovis prætextu, seu ex quacumque causa peti, vel prætendi possit.

Datum Romæ apud S. Petrum sub Annulo Piscatoris die XXX. Augusti MDCCXXVIII. Pontificatus Nostri Anno V.

CLXXXIV. Subjiciuntur Tertiarii Ordinis Carmelitarum jurisdictioni, & Regimini Magistri Generalis ejusdem Ordinis.

De Commissario Tertii Ordinis Carmelitarum Provinciae Fluminis Januarii vide aliam hujus Const. ed. 1726. Jul. 24. P. 3.

BENEDICTUS PAPA XIII.

Ad perpetuam rei memoriam.

§. I. Exponi Nobis nuper fecit dilectus Filius modernus Procurator Ge-

neralis Ordinis Fratrum Beatæ Mariæ de Monte Carmelo, quod cum ipse longa experientia comprobaverit nonnullas molestias, ac vexationes utriusque sexus ejusdem Ordinis Tertiariis illatas ab illis locorum Ordinariis, qui ejusmodi Tertiarios ad eorum subjectionem, seu superioritatem adigere volunt, exoriri, idque eisdem Tertiariis animi perturbationem, spiritusque dispersionem, arque supradicti Ordinis Superioribus non modicam sollicitudinem afferre, dictus Procurator Generalis, quo similibus in Ordinationibus occurratur, literas nostras sub plumbo desuper ad perpetuam rei memoriam, Anno Incarnationis Dominicæ 1725. quarto Idus Decembris Pontificatus Nostri Anno Secundo expeditas, per quas inter alia Tertiarii Ordinis Sancti Francisci a jurisdictione, & Superioritate Ordinariorum eximuntur, ad Tertiarios primodicti Ordinis per Nos summopere extendi, & ampliari desiderat. Nobis propterea præfatus Procurator Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsum Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes hujusmodi supplicationibus inclinati, literas nostras præfatas, per quas Tertiarii secundo dicti Ordinis omnimodæ jurisdictioni, & regimini eorum Ministri Generalis subjiciuntur ad Tertiarios utriusque sexus primodicti Ordinis, auctoritate Apostolica, tenore præsentium perpetuo extendimus, & ampliamus; itaut illi, Priori Generali pro tempore existenti hujus Ordinis curæ, & superioritati subiecti omnino sint.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit primodicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut præsentium literarum transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XXX. Aug. MDCCXXVIII. Pontificatus Nostri Anno V.

Statuuntur, & confirmantur nonnulla favore Congregationis Fratrum Bethlehemitarum in Indiis Occidentalibus.

De aliis privilegiis iisdem concessis vide aliam hujus Const. ed. 1728. Apr. 9. P. 4. & Const. ed. 1729. Sept. 30. P. 6.

Preces Procuratoris Generalis.

Subiectio prædictorum Tertiariorum.

Clausulæ derogatoriæ.

Fides habenda transumptis.

CLXXXV.

BENE-

Dat. 30. Aug. 1728. Ann. 5.

Facti expostio.



Dat. 13. Sept.  
1728. Ann. 5.

## BENEDICTUS PAPA XIII.

*Ad futuram rei memoriam.*

Quum nonnulla decreta a Capitulo Generali prædictæ Congregationis Constitutionibus plan. contraria edita fuissent: habito a nonnullis recurru ad S. Sedem.

Emanavit præfens Decret. Congregationis Particularis, quo revocata fuerit prædicta Decreta Constitutionibus contraria.

Aliis deinde instantis eorundem eadem Congregatione propositis, ab ea emanavit Decretum pro convocacione Capituli Generalis: in quo discurrerentur, &amp; resolverentur puncta in præfatis instantis proposita.

Uti factum est.

§. 1. **A**lias pro parte tunc existentium Præfati Generalis, & Vocalium Capituli Generalis Congregationis Fratrum Betlemitarum nuncupatorum in Indiis Occidentalibus, quæ in veram Religionem auctoritate Apostolica erecta reperitur, Nobis exposito, quod cum in præcedenti Capitulo Generali ejusdem Congregationis Anno 1724. celebrato, contra formam Constitutionum ipsius Congregationis auctoritate Apostolica confirmatarum, statutum fuisset Officium Præfati generalis dictæ Congregationis perpetuum, sive ad Vitam Electi esse debere, ac nonnulla alia Decreta præfatis Constitutionibus plane contraria edita essent, adversus quæ plurimum Hospitalium, sive Domorum dictæ Congregationis nomine habito ad fel. rec. Clementem PP. XI. Prædecessorem nostrum recurru, ac rei cognitione Congregationi tunc existentium Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præpositæ per eundem Clementem Prædecessorem demandata, & ab hac tribus ipsius Congregationis Cardinalibus ad id specialiter deputatis remissa, prodiisset a Congregatione particulari dictorum trium Cardinalium die 12. Aprilis 1709. Decretum tenoris sequentis videlicet: *Revocatis Decretis asserti Capituli Generalis in ea parte, in qua sunt contraria Constitutionibus Apostolica auctoritate confirmatis, serventur omnino eadem Constitutiones, & Archiepiscopo Limano pro executione, & convocacione Capitali, cui præsideat per se sive per alium cum omnibus facultatibus Sacre Congregationis, & quatenus tunc temporis Archiepiscopus obierit, exequatur, & præsideat Vicarius Capitalis.*

§. 2. Subinde vero coram eadem Congregatione particulari Cardinalium nonnullæ alia Instantiæ per tunc pariter existentes in Alma Urbe dictæ Congregationis Fratrum Procuratores propositæ essent, quas ipsa Congregatio particularis Cardinalium die 31. Januarii 1710. admittere noluerat, sed Votum proximi Capituli Generalis desuper exquiri mandaverat, iterumque ad trutinam in dicta Congregatione particulari Cardinalium revocata resolutione, ab eadem die 12. Aprilis capta, reque die 5. Februarii 1714. accurate discussa, emanasset ab ea Decretum, quo persistendo in Decisis quoad revocationem Decretorum in Capitulo Generali anni 1704. ut præfertur editorum, & Convocacionem dicti Capituli Generalis injunctum fuerat per vota secreta in hoc proximo Capitulo generali exquiri, an expediret Officium Præfati generalis dictæ Congregationis Fratrum in posterum fore ad sexennium, seu potius ad novennium, excusa omnino illius perpetuitate. Quamobrem cum in Capitulo Generali hujusmodi in Civitate Limana celebrato, illicque præfidente Venerabili Fratre Archiepiscopo Limano, post peractam electionem dicti Præfati generalis, discussa in eo, & resoluta fuissent puncta in præfatis Instantis proposita, ac successive a Nobis eorum confirmatio, & approbatio experita fuisset, Nosque eorundem examen supradictæ Congregationi Cardinalium negotiis, & Consultationibus Episcoporum, & Regularium præpositæ commississemus, eadem Congregatio Cardinalium post auditam desuper relationem dilecti Filii nostri Ludovici ipsius Sanctæ Romanæ Ecclesiæ Cardinalis Pici nuncupati præfate Congregationis Fratrum apud Nos, & Sedem Apostolicam Protectoris, visaque jura distributa, & auditum Votum bon. mem. Caroli Augustini, dum viveret ejusdem Sanctæ Romanæ Ecclesiæ Cardinalis Fabroni nuncupati Cau-

se Ponentis, ejusmodi resolutiones in Capitulo Generali præfato unanimiter captas die 20. Aprilis 1725. mature examinaverat, atque in hunc, qui sequitur, modum reformaverat, & approbaverat, nimirum.

§. 3. **PRIMO.** Officium Præfati generalis, ac omnia Officia illorum, qui in Capitulo Generali eliguntur, prout sunt Assistentes generales, alique Assistentes particulares utriusque Regni, durare debere ad novennium, servatis tamen quoad electiones Superiorum Localium Constitutionibus Ordinis præcipientibus, quod ista fiant de triennio in triennium. **SECUNDO.** Expedire permittere Religiosis, ut promoveri possint ad Sacerdotium, cum sequentibus tamen conditionibus videlicet. *Prima,* dummodo nullus promoveatur, nisi post elapsam decennium a die ingressus in Religionem. *Secunda,* quod ad effectum se promovendi ad Sacerdotium, nullus directe, vel indirecte uti possit mediacione alterius Personæ pro obtinenda licentia a Patre Generali, & Assistentibus generalibus, sed proponi præfato Generali debeat, a Vice-Præfeto Generali, & Assistentibus, si sit de Regno, ubi residet idem Vice-Præfetus Generalis; Si vero sit de Regno, ubi residet Præfetus Generalis, ipsi proponatur a Superiore, & a Capitulo Conventuali Domus, quæ sit de Sacerdote providenda, debeantque præfati Vice-Præfetus, & Assistentes, Superior, & Capitulum Patri Generali, ejusque Definitorio illas Personas significare, quas hujusmodi Dignitates promereri posse crediderint. *Tertia,* si aliter quispiam ad Sacerdotium fuerit promotus, ipso facto incurrat in suspensionem a Divinis, a qua non nisi per Summum Pontificem absolvi possit. *Quarta,* ad Sacerdotium promoti teneantur celebrare, & applicare Sacrificium juxta intentionem Præfati Localis, & juxta obligationes Communitatis illius Domus, & quod si pro celebracione aliquam Elemosynam receperint, teneantur illam tradere in manibus ipsius Præfati Localis, ubi Missæ celebrantur, vel cujus Subditus fuerit ille, qui extra Conventum celebraverit, sub pœnis contra Proprietarios inflictis. *Quinta,* in quolibet Conventu non adsint, nisi duo Sacerdotes, & in Domibus, quæ sunt Matrices, tres, ad effectum supplendi in casum obitus in aliis Conventibus. *Sexta,* casu vero quo de licentia, etiam Patris Generalis, & Assistentium aliqui ultra numerum præfixum promoverentur, si id ex propria Promotorum culpa contigerit, isti celebrare non possint, nisi supervenerit Vacatio alicujus Loci per obitum alterius Sacerdotis. Superiores autem qui licentiam dederunt, expleto novennio, voce activa, & passiva remaneant privati. *Septima,* Sacerdotes, ut supra promoti, debent in omnibus sequi Vitam Regularem, & deferre Coronam Clericalem ad instar Sacerdotum Ordinis Sancti Joannis Dei, & nunquam, nec etiam per breve temporis spatium possint esse Præfati generales, nec ullam Prælaturam in Religione habere supremam, seu ordinariam, nec ex dispensacione Patris Generalis, nec Definitorii Generalis, nec cujuscunque alterius Superioris, sed solummodo possint esse Discreti Conventuum, Magistri Novitiorum, & Assistentes Provinciarum. *Octava,* denique, si aliquis Sacerdos Sæcularis ægrotus in Hospitalibus degens pro sua devotio- ne peteret ad habitum Religionis, antequam obiret, admitti, possint Pater Generalis, & Definitorium pro hujusmodi admisionem alicui de Præfatis Localibus licentiam concedere, accedente tamen consensu illius Communitatis, non obstante, quod in eodem Conventu alii duo adsint Sacerdotes, ut supra.

§. 4. **TERTIO,** neque Præfetus Generalis, neque alius quicumque Superior illos possit in

Religionem

Resolutiones in Capitulo Generali capte; verum a Cardinali Fabrono, Cause Ponente, reformate, &amp; approbate.

De quibusdam officiis ad novennium duraturis. De promovendo Religiosis Sacerdotio. Cum nonnullis tamen conditionibus.

De non suscipiendis in Religionem nisi



1728. qui Religioni interserviant, vulgo *Donados*.

Religionem suscipere, qui eidem Religioni interserviant, vel fuerint, ut vulgo dicitur, *Donados*, quod si secus factum fuerit, admissio per ejusmodi emissã, nullius sit roboris, vel momenti, reservata tamen Capitulo Generali facultate *Donados* ad habitum admittendi, quatenus expedire censuerit. **QUARTO.** In casu obitus Præfecti generalis, quando ad eum spectaret convocare Capitulum, seu Vicarii generalis, vel in casum gravis infirmitatis, seu cujuscumque alterius legitimæ causæ eos legitime impediens, jus convocandi Capitulum generale, & in eo præsidendi pertineat ad Assistentem generalem antiquiorem, seu etiam eo impedito, ad alios Assistentes, juxta eorum antianitatem, vel ad alios Vocales, qui sequuntur, attentata semper eorum antianitate. **QUINTO.** Demum defunctis Vice-Præfectis generalibus Limæ, aut Messici, seu Præfecto cujuscumque alterius Provinciæ, Præfectus noviter electus, una cum Assistentibus illius Regni, ea omnia gerere possit, quæ a Constitutionibus Ordinis Vice-Præfectis generalibus conceduntur, donec adveniat ejus confirmatio ab iisdem Constitutionibus præscripta; Et si jussus de Causis denegata fuerit, adhuc omnia pro ipsius gesta, valida sint; & plenarium suum effectum consequi debeant, dummodo ea aliunde Sacris Canonibus, & Constitutionibus ejusdem Ordinis contraria non sint.

Qui præsidere debeat Capitulo generali, & illud convocare.

De Vice-Præfectis.

Quæ resolutiones a ias a Pontifice confirmatae fuerit.

Verum postea jussus de causalibus declarationibus & reformationibus a prædictis Fratribus in ultimo Capitulo generali editæ fuerit, preces addentes, ut ab Apostolica Sede confirmarentur.

§. 5. Et in eadem expositione subjuncto, quod ipsi Præfectus generalis, alique Vocales præmissa Apostolica Confirmationis patrocinio communiri plurimum desiderarent: Nos supplicationibus, eorum nomine, nobis super hoc humiliter porrectis, inclinati, præinfertis Capituli generalis resolutiones auctoritate Apostolica approbavimus, & confirmavimus, & alias prout in nostris desuper in simili forma Brevis die 4. Maii ejusdem anni 1725. expeditis literis, uberior continetur.

§. 6. Et postmodum pro parte Dilectorum Filiorum modernorum Præfecti, & Assistentium Generalium dicte Congregationis Fratrum Nobis exposito, quod aucto Hospitalium, seu Domorum ipsius Congregationis Fratrum numero, quem semper magis in dies, benedicente, ac incrementum dante Domino, ad Dei gloriam, Pauperumque ægrotantium levamen, auctum iri sperabant, eadem Congregatio Fratrum nonnullis gratis, & prærogativis, illius vero Constitutiones a Sede Apostolica confirmatæ aliquot declarationibus, & reformationibus præfenti Religionis statui accommodatis indigebant, atque tam istas, quam novam brevioram in ultimo Capitulo generali consecratam Professionem Regularis emittendæ formulam per Nos approbati, & præscribi summopere cupiebant, precibusque Nobis super hoc exhibitis, ad memoratam Congregationem Cardinalium, negotiis, & Consultationibus Episcoporum, & Regularium præpositam, jussu nostro, similiter remissis, dicte Congregatio Cardinalium, auditis prius ipsius Ludovici Cardinalis, & Protectoris, necnon Dilecti pariter Filii nostri Ludovici dicte Sanctæ Romanæ Ecclesiæ Cardinalis Belluga, & Moncada nuncupati, Pontentis, relationibus sibi desuper factis, negotioque mature expenso, die 12. Julii 1726., & 21. Novembris 1727., eisdem precibus annuendum censuit ut infra.

§. 7. Nempè. **PRIMO.** Firma, & valida permanente Professionem illorum Religiosorum, qui hæcenus sub veteri formula professi fuerunt, approbandam fore novam brevioram formulam in Capitulo generali exaratam, sub qua Solemnis Professio per Religiosos in posterum professuros emitti debeat, quæ quidem formula est tenoris sequentis, videlicet - *In nomine Sanctissime, & Individuæ Trinitatis Patris, & Filii, & Spiritus*

*Sancti; Ego N. N. libera, & spontanea voluntate solemniter voveo, & promitto Omnipotenti Deo, juxta Regulam Sancti Patris Augustini, & Constitutiones Ordinis Hospitalitatis sub titulo de Bethlehem, in manibus R. V. observare obedientiam Sanctissimo P. N. S. Pontifici N. N. ejusque Successoribus, & R. P. nostro Præfecto Generali, aliisque meis Superioribus, eorumque Successoribus, ac insuper voveo, & promitto paupertatem, castitatem, & exercere Hospitalitatem usque ad mortem erga pauperes, infirmos, etiam infideles, licet contagiosa infirmitate afficiantur. Et ego N. N. facultate mihi concessa a R. P. Præfecto Generali, & nomine meæ Religionis, tuam Professionem accepto, ratamque habeo, & siquidem usque ad mortem Vota tua Domino reddideris, & promissa tua, adjuvante gratia, adimpleveris, nomine ejusdem Omnipotentis Dei, Patris, Filii, & Spiritus Sancti vitam tibi æternam, atque immortalẽ gloriam tibi promitto. **SECUNDO.** Qui Præfecti generalis munus expleverunt, in Capitulo generali perpetuum tam activum, quam passivum Votum habeant, ultimus vero Præfectus Generalis post expletum sui Generalatus Officium, in Capitulo generali immediate sequenti voce passiva careat, ita ut pro Novennio immediate sequenti in eodem Officio nec confirmari, nec eligi valeat. **TERTIO.** Quia aliquando contingere solet, quod in scrutandis materiis, & controversiis bonum Regimen, ac gubernium Religionis concernentibus, sive in Definitorio Generali, sive in particulari suffragia Vocalium reperiantur æqualia, ne ob ejusmodi æqualitatem materiæ remaneant indecisæ, per novum Præfecti Generalis ibidem præfidentis suffragium, quæcumque materia, seu discordia in suffragiorum æqualitate posita, & constituta dirimatur, & decidatur. **QUARTO.** Cum præcipuum, imo unicum hujus Religionis Institutum sit Hospitalia retinere, in eisque omnes recipere Infirmos quæcumque infirmitate etiam epidemica laborantes, Capellani, sive Sæculares a Superioribus Bethlehemiticis electi, sive Sacerdotes ex eadem Religione Bethlehemitica, vel ex quacunque alia assumendi tam illis, qui ipsis Infirmiss, & Convalescentibus interserviant, quam omnibus aliis Hospitalium servitio addictis, etiam in Paschate, Penitentia, Eucharistia, & Extremæ Unionis Sacramenta possint, & valeant administrare, dummodo præfati Capellani pro Penitentia Sacramento administrando, Mortis articulo excepto, ab Ordinario loci, qui actu suam Ecclesiam gubernet, licentiam Confessiones excipiendi habeant.*

§. 8. **QUINTO.** Quamvis autem in Constitutionibus ejusdem Ordinis Cap. 6. §. 3. ita statutum sit - *Non debet excludi ab Hospitalibus nostris ullum genus Personarum, ad omnes debent extendi, omnes debent amplecti charitatis ulna Liberos, Servos, Mauros, Nigros, & Gentiles* - Nihilominus in iisdem excipiuntur Mulieres, quæ nec ut curentur, nec ad invisendos Infirmos in Hospitalibus debent admitti. Quia vero nonnullæ Civitates, & Loca Religiosos Bethlehemitas, ad erigendum in ipsis Hospitalia vocarunt, vel admiserunt, & quamplures ea lege Hospitalia fundarunt, vel Eleemosynas contulerunt, ut in ipsis sub cura Mulierum, & in ædibus separatis ab illis Virorum, pauperes Mulieres infirmæ excipi, & curari possint, competentique experientia sit in maximum id Proximi cedere auxilium, ideo firma remanente præfata Constitutione quoad Hospitalia Virorum, approbanda esse Hospitalia, seu Domus, ut supra erecta, aliaque posse in futurum erigi, ac fundari, in quibus Mulieres infirmæ recipi, & curari valeant, dummodo hujusmodi Hospitalia, seu Domus ab Hospitalibus, & Domibus Virorum, nedum sint separata, verum etiam nulla ex parte eisdem sint immediate contigua.

Acceptatio Superioris.

Declarationes nonnullæ prædictæ. Quod voce activa, & passiva gaudere debeant Præfecti generales, præter ultimum qui tantum activæ. Suffragium Præfecti Generalis decidere debet suffragiorum æqualitatem.

De Sacramentis ab iis, qui Hospitalibus Bethlehemiticis interserviant, quocumque tempore administrandis.

De Hospitalibus pro mulieribus infirmis.

FORMULA PROFESSIONIS.





De Cappellanis prædictorum Hospitalium a quovis onere eximendis.

Preces Præfecti, & Assistentium generalium.

Confirmatio Declarationum, & Constitutionum relatarum.

Clausula.

ac dummodo in Hospitalibus, vel Domibus Mulierum, non nisi Religiosus sexagenarius pro Rectore, & unus, vel duo Sacerdotes ætate proveci pro administrandis Sacramentis, constitui valeant, quin alius Religiosus commorari ibi possint, ita, & taliter quod, si alio modo fiat in aliqua Domo, vel Hospitali, eo casu eadem Domus, vel Hospitali ipso facto subiectum sit, & remaneat Visitationi Episcopi, & Ordinarii loci. *SEXTO.* Cumque necesse sit, quod Religiosi Bethlehemitici, & Capellani continuo moram trahant in Hospitalibus, ne detur casus, quod aliquis infirmus repentino accidente correptus absque Sacramentis, debitaque assistentia decedat, declarandum, & quatenus opus de novo concedendum fore, quod tam præfati omnes Religiosi Ordinis Bethlehemitici, quam Præsbyteri Sæculares, vel Regulares alterius cujusque Religionis, qui per Superiores præfati Ordinis in Capellanos assumpti sunt, & in posterum assumi contigerit, sint exempti a quocumque onere Processionum publicarum, vel functionum Ecclesiasticarum, ob quas teneantur abesse etiam pro modico tempore ab Hospitalibus, ad instar Religiosorum Sancti Joannis de Deo.

§. 9. Cum autem sicut iidem Præfectus, & Assistentes Generales Nobis denuo nuper exponi fecerunt ipsi præfatas declarationes, reformationes, & novas Constitutiones ab ipsa Congregatione Cardinalium conditas, seu approbatas, quo firmiter subsistant, ac serventur exactius Apostolicæ quoque nostræ Confirmationis præsidio roborari maxime desiderent; Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignemur. Nos igitur ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati de eorundem Venerabilium Fratrum nostrorum dictæ Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præpositorum consilio, declarationes, reformationes, & novas Constitutiones præinsertas auctoritate Apostolica tenore præsentium approbamus, itidem, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui in eis quomodolibet intervenerint, supplemus, atque tam illas, quam præinsertas quoque resolutiones in supra dicto Capitulo generali captas, & a Nobis per literas nostras præfatas similiter approbatas, & confirmatas, sicut præmittitur, in praxim, & usum redigi, & ab omnibus, & singulis, ad quos spectat, & pro tempore quocumque spectabit religiose, & inconcusse servari præcipimus, & mandamus; Salva tamen semper in præmissis auctoritate memoratæ Congregationis Cardinalium.

§. 10. Decernentes easdem præfatas literas, & in eis contenta quæcumque, firmas, validas, & efficaces existere, & fore, suosque plenarios, & integros effectus sortiri, & obtinere, ac illis, quos concernunt, & pro tempore concernent, in omnibus, & per omnia plenissime suffragari: sicque in præmissis per quoscumque Judices Ordinarios, & delegatos, etiam Causarum Palatii Apostolici Auditores, ac Sedis Apostolicæ Nuncios judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 11. Non obstantibus Constitutionibus, & Ordinationibus Apostolicis, necnon quoad ea, quæ præsentibus adversantur, dictæ Congregationis Fratrum, illiusque Provinciarum, Domorum, seu Hospitalium, etiam Juramento, Confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum infertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 12. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem profusa fides in iudicio, & extra adhibeatur, quæ præsentibus ipsi adhiberetur, si forent exhibitæ, vel ostensæ.

Datum Romæ apud S. Petrum sub Anno Piscatoris die XIII. Sept. MDCCXXVIII. Pontificatus Nostri Anno V.

Statuuntur nonnulla motu proprio in Gabellarum fraudatores.

*Similia Statuta a Romanis Pontificibus, aliisque iudicibus inferioribus Urbis concessa hic confirmantur, præsertim illa a Sixto V. contra pulsos in exilium, & contra fraudatores vectigalium emanata Const. ed. 1585. Jul. 1. P. 1. & 1588. Nov. 17. P. 4. & ab Inn. XII. Const. ed. 1700. Jun. 19. P. 9. & Clem. XI. Const. ed. 1717. Jun. 12. P. 17.*

BENEDICTUS PAPA XIII.

MOTU PROPRIO &c.

**B**Enche da molti Sommi Pontefici nostri Predecessori con diverse loro Costituzioni, e dal Reverendissimo Cardinal Camerlengo, e nostri pro tempore Tesorieri Generali con le loro Ordinanze, Editti, e Bandi publicati in diversi tempi sia stato più volte proibito espressamente a tutte, e singole Persone di qualsivoglia stato, grado, e condizione, anche Ecclesiastiche, Secolari, e Regolari di qualunque Ordine, e Congregazione il commettere Contrabandi, e Fraudati di qualunque cosa, benchè in tenue quantità in pregiudizio delle Gabelle, Dazi, ed imposizioni dovute alla nostra Camera, tanto in questa nostra Città, quanto nelle Città, Terre, e Luoghi mediatamente, ed immediatamente soggetti a questa Santa Sede, sotto gravissime pene pecuniarie, corporali, ed anche spirituali espresse in dette Costituzioni, Editti, e Bandi da incorrersi, ed applicarsi rispettivamente nella forma, che in essi è disposto; E sebbene avendo Noi inteso fin dal principio del nostro Pontificato, che da molti con poco timore, e rispetto delle Costituzioni, Ordinanze, e Bandi sudetti, e con tanto pregiudizio della nostra Camera, e suoi Appaltatori si continuano l'istessi contrabandi, e fraudi, procurassimo far innovare tal proibizione, mediante un' Editto fatto pubblicare dal nostro Reverendissimo Cardinal Segretario di Stato, ed ordinassimo altre provisioni, che stimassimo espedienti per evitare tali pregiudizi:

§. 1. Con tutto ciò essendoci nuovamente pervenuto a notizia con grave molestia dell'ani-

Fides habenda transumptis.

CLXXXVI.

Dat. 17. Sept. 1728. Ann. 5.

A multis Summis Pontificibus in Vectigalium fraudatores Constitutiones editæ fuere.

Causæ hujus Constitutionis.

mo